



UNIVERSITÄTS-
BIBLIOTHEK
PADERBORN

Universitätsbibliothek Paderborn

Gülden Tugendt-Krantz

Tympe, Matthäus

Paderborn, 1613

Viel Geschwätz beym Tisch zu vermeyden/

[urn:nbn:de:hbz:466:1-50841](https://nbn-resolving.org/urn:nbn:de:hbz:466:1-50841)

viel essen. Der beste Regen ist ein langsamer Regen / der allgemach in das Erdreich hinein fällt / als ein Plakregen / wirfft den Samen vmb. Wenn du issest / so gedenck / daß du nicht allein deinem Bauch abzuwarten / sondern bald widerumb zu beten / oder lesen / oder studieren / oder etwas anders nützliches zu verrichten habest. Darzu du aber vngeschickt seyn wirst / wann du deinen Magen mit vbriger Speise vberladest. Derhalben so offt du dich zum essen oder trincken richtest / so gib nicht allein acht / was deinem Mund wol schmecke / sondern viel mehr / was die Nothturfft der Natur erfordere. Gib deinem Appetit vnd Begierde nicht mehr zu / als dir nütz vnd nothwendig ist. Diß Hieronym.

**Warumb sollen wir vns vber
Eiſch vor vielem Geſchwätz
hüten?**

Dann offte wird ein Disputation wol im Frieden angefangen / aber zu zeiten mit krieg geendet / vnd wird offte im Trunck etwas heraus gelassen / welches besser wer verschwiegen blieben / dann / wo die Trunckenheit regieret / sagt Salomon / da ist kein Geheimnuß. Proy. 33
Vnd

Vnd ob wol / alles vbrig Geschwäs zu vermeiden / so stehet doch dieses insonderheit vbel / wenn der Mensch nichts kan als vns essen vnd trincken reden / als hette er sein größte Freud vnd Bollust in schlemmen vnd dämmen gesetzt. Fürnemlich aber müßte wir vns vber Tisch fürsehen / daß wir das Leben vnsers Nechsten nicht tadlen / dann das heißt / sagt Chrysoft. nicht anderer Thieren sondern Menschen Fleisch fressen / welches wider alle Menschliche Vernunft vnd die Natur ist.

Was gehört zu rechtschaffener Regierung der Zungen?

Fürnemlich vier Stück: Was / wie / wann / was Zeit / vnd warumb wir reden sollen.

Was / oder wouon sollen wir reden?

Paulus sagt: Lasset kein böse Rede auß euerem Munde gehen / sondern die da gut sein zu Besserung des Glaubens / vnd den Zuhörern Nutz vnd Gnad zu bringen. Vnd da er erkläret / was ein böse Red heisse / sagt er: Hurerey vnd alle unreinigkeit vnd Geiz sollen vnter euch nicht genennet werden / wie den